

東華錄

康熙二十五

臣王先謙敬編

臣周潤  
論著恭校

康熙十九年庚申春正月甲午勇略將軍陝西提督趙良棟奏臣率兵從白水壩浮水渡江擊賊大敗之追至青川石峽溝復敗其伏兵龍安府僞總兵姜應熊等降遂復龍安府得旨嘉獎下部議敘○丙申諭奉命大將軍康親王傑書王所奏據實指參事已經覽悉朕思凡行一事必前後計慮果有裨於國家始可興行若輕率妄動必致舛錯今廣西湖南漢中興安等處俱已底定逆賊餘黨引領以冀歸正者不止百千若將耿精忠即行正法不但已經投誠之人以爲後日亦必如此聲明其罪即未經投誠之人睹此寒心亦未可知聞繫實重前朕手諭欲令耿精忠來京者蓋撤回

福建一半滿兵之意非欲卽行處決俾其先來也如王善能勸諭令至京師諸事皆得平安土但加意謝導之不可輕舉彼如必不赴京再行詳悉密奏候旨○千寅勇略將軍陝西提督趙良棟奏招撫僞知州蔡廓僞副將郝俊龍等七員僞遊擊知州知縣等官五十七員兵丁三千三百餘名又生擒賊兵二百六十七名下部議敘○甲辰勇略將軍陝西提督趙良棟奏僞總兵潘九蘭僞知州田大有等三百一十六員投誠下部議敘○乙巳奮威將軍平涼提督王進寶奏康熙十八年十二月二十七日臣率官兵至神宣驛聞朝天關有賊踞守臣卽飭令官兵奮勇撲勦過關二十九日馳至廣元縣分途追擊擒斬賊兵無算恢復縣城得旨嘉獎下部議敘○丁未諭議政王大臣等將軍趙良棟攻克白水壩青川招撫龍安成都指日可復將軍王進寶亦分兵三路於正月初旬

近偏保留逆賊王屏藩等困迫必各潰遁其移檄嚴飭楊茂勳徐治都等乘機急取重慶夔州勦禦逆賊如遲延觀望誤此事機嚴治其罪○招義將軍伯馬承廕標兵以餉匱鼓譟大將軍簡親王喇布卽撥餉給發兵遂甯戢理事官麻勒吉等奏馬承廕黃明葉秉忠在賊中俱係僞將軍今同來歸誠馬承廕授爲將軍伯而黃明葉秉忠未授職銜致兵衆肆行葉秉忠已年老乞休無復異志惟黃明強悍爲柳州官兵所懾服若不調用他所恐終爲患 上

諭授黃明爲援勦總兵官率馬承廕標兵一千赴將軍莽依圖軍前隨大兵進勦雲貴葉秉忠授總兵官職銜許其休致○庚戌先是命昭義將軍伯馬承廕設立五營會勦雲貴至是楊威大將軍簡親王喇布奏五營兵少應增援勦二營共爲七營營各一千人上諭凡將軍標下無設七營之例馬承廕所屬官兵貴明率二

千隨征雲貫外廣西省城甚重其更撥一千赴大將軍簡親王軍  
前馬承蔭標下仍立五營兵五千參將守備各官聽馬承蔭選擇  
具奏○辛亥以庫勒納爲翰林院掌院學士

由啓事遷

○以安親王岳

樂班師抵武昌遣使臣慰勞賜橐駝良馬○諭九卿等科道官內

升外轉原以示勸懲也今見才優者猶知憚於外轉其或才力不  
足不稱言職之人安於外轉道員者甚多是但以示勸非所以示  
懲也故令九卿詹事科道會議務期得當魏象樞等奏稱恐天下  
不肖之輩不識朝廷慎重道員之意疑爲厭薄言路之端等語邇  
年以來姚文然李之芳施維翰等內升未久卽任以大僚督撫亦  
因其克盡言職才能素著之故也此無論天下智愚不肖當亦知  
朝廷無厭薄言處之意矣其外轉者或係素無建白或係昧於事  
理或係任臆妄言或係才力不及原非因其條奏而外轉也又稱

近年外轉之科道並無貪污溺職之一人而五部郎中俸深升道如范永茂高恆豫盧元培程汝漢等賊私纍纍劣蹟彰彰不知凡幾等語科道外轉者豈並無溺職之一人乎五部俸深升道員者甚多豈盡係貪劣之人乎如陳丹赤等優者匿而不言獨舉范永茂等四人不辨賢否而概言之可乎魏象樞去歲七月內曾於朕前面奏科道官所行皆係徇私有負朝廷耳目之任罪皆應死今甫數月復言外轉者並無溺職之一人前後參差何其速耶爾等所奏理不宜批答因疏語內有以存國體之語故令諸臣知之至若外轉科道以小品官員用遂至有傷國體朕殊不解故特諭諸臣示以朕意○壬子 上幸鞏華城道經西山之麓遣內大臣致奠昭勳公圖賴○贈故翰林院掌院學士兼禮部侍郎沙喇里禮部尚書子祭諡文敏○癸丑調杭愛爲四川巡撫

由陝西調○乙卯

上回宮○勇略將軍陝西提督趙良棟奏臣率官兵自龍安進  
勦追至舊州明月江賊斷橋守江臣督兵浮水渡江擊賊令總兵  
官王進才等分兩路直取成都而親率大兵繼進至縣竹偽勁武  
將軍汪文元迎降本月十一日至成都二十里鋪偽巡撫張文德  
等率文武偽官二百餘人迎降遂復成都得旨嘉獎下部議敘○  
奮威將軍平涼提督王進賢奏臣等既復朝天關廣元縣遂分三  
路趣保甯去城二十里據孔道而軍是月十三日賊二萬餘來犯  
臣分遣官兵大敗之追勦至鉢屏山破賊四壘賊退保橋我兵又  
擊之奪橋斬關入城賊渠王屏藩偽將軍陳君極自經死生擒偽  
將軍吳之茂張起龍偽總兵鄒天春等十七員遂復保甯得旨嘉  
獎下部議敘○戊午以趙良棟爲雲南貴州總督加兵部尚書銜  
仍兼管勇略將軍事務○己未奮威將軍平涼提督王進賢奏原

任關南道胡昇猷被難數載未受僞職請令四川督撫酌量另用  
上諭胡昇猷人品甚優身陷賊中數年百計徇辱守節不屈可  
嘉川省見在用兵應卽於其地要缺補用

二月辛酉朔諭議政王大臣等今成都保甯皆已恢復宜乘此機  
會速定雲貴四川既平湖廣已屬內地其令順承郡王勒爾錦貝  
子準達都統范 禮等盡率所部兵沂江而上規取重慶順承郡  
王等卽於重慶駐守將軍吳丹鄂克濟哈與趙良棟等同進取雲  
貴吳丹鄂克濟哈於順承郡王軍中簡精銳馬兵將之前行總督  
楊茂勳提督王之鼎駐守成都王延寶駐守四川徐治都還軍守  
彝陵荊州諸處○命總督楊茂勳等赴四川招撫流亡○廣西巡  
撫金僞奏海賊謝昌李積鳳等不時侵掠沿海地方請調平南王  
藩下都統王國棟等前往勦禦得旨都統王國棟等身在省會不

宜縱賊披猖著同副都統尙之璋總兵官曾天祚等率藩下舟師速圖勦禦賊退之後更有侵犯內地者卽與巡撫金僞會商撲滅○奮威將軍平涼提督王進寶奏右路總兵官楊宗道等於正月初四日率兵進取昭化縣大敗賊衆恢復縣城隨於初六日率兵至劍州僞彭總兵等望風逃竄我兵入城初八日着溪縣僞知縣王璋等獻城降得旨嘉獎下部議敘○叛將祖澤清及其子良楨械送至京命俱凌遲處死諸子家口籍沒入官○甲子以鄂懜爲

陝西巡撫

由甘肅布政使遷

○乙丑

皇子允禔生

○丙寅奮威將軍平

涼提督王進寶奏臣與將軍吳丹遣鎮守西安將軍佛尼勒總兵官王朝海等率兵取順慶我兵前進沿途招撫鹽亭潼川中江南部諸州縣悉下之正月十八日抵順慶僞知府彭天壽等率衆降於是蓬州廣安州合州西充岳池營山渠縣隣水儀隴遂甯蓬溪



諸州縣相繼悉定得旨嘉獎下部議敘○丁卯諭戶部前因各省  
地方多有饑饉已經遣官賑濟今見京師附近之地四方饑民流  
移在道朕心深爲憫惻若不急行安插令其得所將來必至鬻賣  
子女難以生全作何設法令其各歸原籍著該地方官加意撫綏  
安集復業以免流離九卿詹事科道詳悉具奏○諭議政王大臣  
等成都保甯順慶諸府今已恢復四川底定湖廣大兵今正分道  
進定雲貴其廣西滿洲綠旗大兵休息日久亦當乘機遠進大將  
軍簡親王留每佐領兵一人於桂林其餘官兵王盡帥之往屯柳  
州大將軍平南王可駐守貴縣將軍莽依圖馬承燾都統馬九玉  
總督金光祖等可各率所部官兵並酌調平南王潘下官兵分道  
進取雲貴○己巳 上幸南苑行圍○直隸巡撫金世德以病乞  
休允之○以胡昇猷爲四川按察使

原任關  
商道

○乙亥以于成龍爲

直隸巡撫

由福建布政使遷

○吏部遵旨議覆內閣學士兼修明史徐元

文奏纂修明史宜與遺獻請將揚州府前明科臣李清紹興府名儒黃宗羲延致來京如果老病不能就道令該有司就家錄所著書送館並監生姜宸英貢生萬言應速行文該督撫移送其候補主事汪懋麟丁憂服滿到部應以原銜食俸入館修史原任副使道曹榕布衣黃虞稷見在丁憂俟服闋後咨送到館告成日一併甄敘從之○命五城煮粥賑濟流移饑民於常例外再限兩月○湖廣提督徐治都奏臣會同川督楊茂勳於正月二十一日進剿川賊楊來嘉四路進兵大敗賊衆陣斬三千餘級生擒僞將軍王鳳岐等復巫山縣於二十七日進取夔州得旨嘉獎下部議敘○丙子大閱於南苑是日還宮○戊寅湖廣提督徐治都奏臣統大兵抵巫山僞將軍楊來嘉等擁衆拒守我兵擊敗之乘勝長驅是

月初一日至夔州僞將軍劉之衛率僞總兵翟洪陞等出降遂復其城得旨嘉獎下部議敘又奏譚宏遣子僞左路將軍譚天祕齎辨明脅從奏並繳到僞敕印牌劄官兵數目文冊本月十三日譚宏率子姪僞總兵譚地晉譚地升等詣軍門降下部議敘○庚辰以雅思哈爲甘肅布政使○四川總督楊茂勳奏臣於正月三十日遣兵進取大昌大甯二縣擊敗賊衆克復城池得旨嘉獎下部議敘○辛巳以四川平定裁郎陽撫治缺○壬午 上御弘德殿講官進講畢 上諭曰人品辨別止在心術公私凡人口之所言與身之所行往往不相符合故去私最難也○癸未先是命福建總督邊撫提督酌定進剿海寇機宜巡撫吳興祚奏臣詢之習知賊中情形者云賊踪雖多不如我新造鳥船堅固便捷今鄭錦悉調舟艦皆在海壇彙集宜乘風汛甚利將士方銳先攻取海壇破

賊藩籬則廈門金門俱可乘勝而下臣已與提督萬正色決策萬正色以水師直攻海壇臣率標兵赴同安同督臣姚啟聖提臣楊捷調陸路兵規取廈門萬正色亦奏荷蘭國艦遲速莫必轉盼三四月間南風一作我舟師卽難前進今新舊大小船隻俱集定海大洋撫臣吳興祚前來閱視知其可用臣已決計進討吳興祚率標兵馳赴同安爲臣聲援督臣姚啟聖提臣楊捷調陸路兵據圍頭以遏賊出入臣定於二月初四日進取海壇至是萬正色奏臣統率官兵由定海進發於本月初六日抵海壇賊乘舟逆戰臣分前鋒兵爲六隊直衝而入親統巨艦繼之又以輕舟繞出其左右併力夾攻礮火齊發擊沈賊船十六艘溺水死者三千餘人餘賊潰遁我舟師遂駐泊於海壇上諭巡撫吳興祚提督萬正色灼見賊勢乘機進剿已經克復海壇將軍賴塔總督姚啟聖提督楊

捷其會商分撥滿洲綠旗水陸官兵以策應進剿之師○甲申

上如鞏華城○乙酉 孝昭皇后忌辰行再期致祭禮 上還

宮○丙戌遣郎中明額禮賑宣府○是月賑湖廣武昌等府免陝西吳堡湖廣安化等二十六州縣去年旱災額賦

三月辛卯建威將軍吳丹奏二月十六日大兵至重慶僞文武官出城迎降於是達州東鄉太平新甯南江安岳等州縣悉定僞將軍楊來嘉彭時亨僞總兵江有倉等亦各遣人詣軍門繳印歸誠得旨嘉獎下部議敘○壬辰以佟康年爲福建布政使

由湖北按察使遷

○乙未以伊闕爲雲南巡撫

由大理寺卿遷

○平南王尙之信下護衛張

永祥張士選赴京首告尙之信謀叛事 上命刑部侍郎宜昌阿

郎中宋俄託等以巡視海疆赴廣東察其狀諭之曰爾等攜帶張永祥張士選以往密訪都統王國棟副都統尙之璋若事有實蹟

王國棟等自任能執尚之信卽一面奏聞一面赴潮州頃尚之信具奏自請徹還省會爾等抵廣東日詳察情形如應徹還卽具疏言省會不可無尚之信彼時當獨調之還爾等臨事之時無多株連儻有意外聽酌使行事是日宜昌阿等啟行○丁酉大將軍安親王岳樂凱旋上率王大臣郊勞是日駐蹕盧溝橋○以顏敏爲廣東布政使原任陝西布政使黃元驥爲廣西按察使山西鹽道○戊戌上還宮○辛丑楊威大將軍簡親王喇布奏臣親率兵往柳州二月二十八日至永福縣聞馬承蔭反給傅宏烈登舟起兵襲破其營臣等卽欲進勦因滿兵力薄又念省城至重公議暫還桂林得旨覽奏馬承蔭復叛今湖廣綠旗兵已取楓木嶺武岡州滿漢兵甚多廣西去武岡爲近宜調貝子章泰軍中滿兵每佐領六人綠旗精兵二千人令都統夸札帥之速赴簡親王軍前與平南

王等協力勦賊夸札至廣西卽令參贊軍事○癸卯福建水師提督萬正色奏我師旣攻復海壇逆賊朱天貴遁據南日湄州等嶼臣等會撫臣吳興祚陸路聲援臣親率水師於二月十四日自海壇進勦逆賊南遁我師尾至平海嶼與撫臣曾師朱天貴復台偽將軍林陞駕離三百餘隻踞崇武嶼臣於二十日乘風自平海南下賊率餘艘迎戰臣揮兵掩擊大敗賊衆沈賊餘二十餘隻陣斬偽總兵吳雨僞副將林勳等擒殺甚衆克復湄州南日平海崇武諸嶼得旨嘉獎下部議敘○奉命大將軍康親王傑書奏海中大定小定地方逼近廈門金門係我師必由之道逆賊鄭錦遺僞將軍張志屯糧聚衆欲踞此地以與我師相拒臣遣駐防杭州副都統吳申巴圖魯率滿洲綠旗官兵齊進大定地方奮勇勦殺賊不能支皆逃往小定我兵尾追賊衆不得船者淹入海中焚毀賊巢遷

同百姓大定小定悉行恢復得旨嘉獎下部議敘尋又奏二月二十三日大兵水陸分進規取玉州賊首劉國軒向石馬海澄奔竄我兵追剿甚急劉國軒復走廈門僞總兵蘇堪等守海澄隨遣官諭以投誠蘇堪即開西門迎接官兵入城玉洲石馬海澄等地方悉行恢復得旨嘉獎下部議敘○福建總督姚啟聖奏臣等見水師提臣萬正色孤軍獨下於二月二十三日同總兵趙得壽黃大來平南將軍賴塔分統水陸官兵七路進剿將弁俱各奮勇攻破陳州馬州灣腰山觀音山展旗等寨一十九處殺賊甚眾下部議敘○乙巳福建巡撫吳興祚奏二月二十六日臣同甯海將軍喇哈達總兵王英等由同安進剿逆賊至涵州埭尾等地方宣諭僞將獻城投降隨分兵三路徑渡廈門逆賊潰敗二十八日進廈門城安撫人民即遣官兵進取金門得旨嘉獎下部議敘○丁未安



遠靖寇大將軍貝勒察尼奏是月十三日我兵取辰龍關抵辰州賊潰遁僞知府傅祖祿等以城降僞將軍楊有祿周楨楊寶蔭祖述舜等各率兵投誠遠將軍湖廣總督蔡毓榮亦奏復銅仁府瀘溪溲浦麻陽三縣得旨嘉獎下部議敘○諭議政王大臣等今楓木嶺辰龍關俱已恢復四川廣西悉皆底定雲貴不日可平若行招撫更可速定雲貴人民亦得早安其生張起龍本吳三桂屬下之人宜使招撫雲南可賞其罪捧敕前往○甲寅浙江總督李之芳奏海逆連踪飄突臣密飭定海舟師操練精熟遇警卽行勦滅二月十八日遊擊衛聖疇等於孝順洋瞭有賊船率領官兵血戰沈賊船十四隻燒毀五隻陣斬僞參將童耀等一十九員擒獲僞官兵一百餘名下部議敘○丁巳九卿會推江西按察使左通政張可前大理寺少卿張永祺合詞保舉福建副使道張仲舉畫